

HELIANTHO SPLENDIDISSIMO 23

HAIΩ SUO,

CELSIORI ITEM CELSO,

IMPERIAL. ACADEM. LEOPOLDIN.

PRÆSIDI AC
DIRECTORI,

PHOSPHORUS S.

Georg. Casp. Kirchmayer.

*Prolixo animo paucissima hæc, aliāq̃
consecrat,*

Cum observantia & deb. Off.



WITTENBERGÆ,

Charact. MATTHÆI HENCKELII, Acad. Typogr.

ANNO M DC XC.



Vos, propter merit-
torum excellentiam, conjun-
xit nuper CÆSAR OPT. I-
demque à Victoriis, ad Orien-
tem Solem hætenùs, quamdiu Domus AU-
STRIOR. floruit, insolitis & gloriosis, MAX.
nimirum LEOPOLDUS Noster, ac in ordinem
Germanicæ Nobilitatis, Nobiles virtutibus,
Personæ Majestaticæ Archiatros, Palatii Late-
ranensis Comites & Consistorii Imperialis, so-
lemnissimo Diplomate creavit, certè inter su-
os adoptavit; hos, honoris gratiâ, conjungo
Phosphorus, decenter. Gratulor deinde Vo-
bis, Domini, non verbis ampliùs, sed pectore
ab imo! Deum comprecatus, ut hæc famæ glo-
riæque præmia perpetua sint Vobis atque pro-
pria

pria! Sapientiam professis nihil dignius, subli-
miusque nihil, nisi SALIS ADMIRAN-
DA, dedicare VOLCKAMERO meo,
SCHRÖCKIOque, LICÆ F. Patronis &
Collegis venerandis, potui. Et debui, inpri-
mis, quòd his demum proximis diebus (for-
san ferius? solvissem enim gratias maturè,))
Ephemeridum nostrarum Annus, ex Decuria
secunda Miscellaneorum, septimus, à Biblio-
pola hujus loci, aliàs Amico, munus acceptis-
simum exhiberetur. Offeret se commoda
occasio fortasse, quando id officii abs me, per
ARGUM Oculisimum, Collegam Con-
junctisimum, Patronum singularem, exegi-
stis, ut in laudes inclytæ Academiae IMPE-
RIALIS, libertate Oratoriâ excurram; for-
tibus simul, non speciosis tantùm pugnatu-
rus armis contra lividos, qui Theonino den-
te rodunt Universitatem tantam. Cùm non
modò in Europæ Regnis exteris, *Britanni,*
Dani, Galli, Itali, Poloni, (ne commemo-
rem *Helvetios Belgasq;*) sed ultrà Garaman-

tas etiam ad Orientem Solem, *Indiam* vicario
regentes nomine Collegæ ambient ac admi-
rentur ; quin & IMPERATOR Augustissi-
mus ornare tuerique studeat potenter. Jam
hæc Hypomnemata non solùm, sed & ea, quæ
de HALURGIA Curiosa ACADEMI-
CA in schedas, ex abstrusioribus Naturæ,
aliquot conjeci, juris vestri sunt. Per Vos
asserantur, emendentur, per Vos suppriman-
tur ; dummodò Vos salvi sitis ! Sic valete,
sic favete

Wittebergæ ip[s]is Nonis
Juniis, Ao. 1690.

VESTRO,

si meretur,

PHOSPHORO.



Appendix

HALURGIAE ACADEMICÆ.

*Paucis plurima comprehensurus, Hypomnemata subjiciam
hîc, in compendio.*

I.

Sine Salium cognitione accurata nihil in Chymia solidi, & magni unquàm expectari, vel elaborari potest.

II. Δός μοι πῦ σῶ, ἐν γῇ ἀλμυρῶδες, καὶ κινήσω τὴν ἀλουργίαν.

III. Salia ex calce viva incredibilem in regno Minerali (salia ingressum quippe faciunt,) & Vegetabili, ne quid de Animali dicam, usum exhibent.

IV. Sal urinosum frigida, sed calida sal parit, in communi, acidum.

V. Salia urinosa omnia, post correctionem suam, à corporibus jam liberata alienis, generis ejusdem sunt.

VI. Inter salia alia acidissima, in regno Vegetabili est Sp. vini, ut in Animalis, ~ urinæ, inter urinosa.

VII. In regni triplicis corporibus compositis duo naturaliter inveniuntur salia, sapore maximè contraria.

IIIX. Alkalia in acida mutantur salia, & sic reciprocantur invicem; cum uni demitur, & alteri confertur terra sua. Metamorphosis & Proteus πολύτροπος ex visibilibus corpusculis, invisibilibusq; oritur; hinc mille corporum compositorum transmutationes,

- IX. Modò dominatur acidum, sub jugum actò urinoso, modò urinosum, acido suppresso. Ex conflictu utriusque sal compositum fit neutrum.
- X. Sal *μαρμαρίς* colligitur ex vitris; quæ Naturæ ultima & artis sunt, nec non sterilibus arenis ac lapidibus.
- XI. A sale pelluciditas potissima vitrorum est.
- XII. Integra \odot libra in destillat. vix ultra $\frac{1}{4}$ lb \ominus is exhibet.
- XIII. \odot . liberandum maximè à \ominus le suo heterogeneo; quem \odot tri purgatores nominant den *Schalck*; hoc sal communè ac impurum adhuc est.
- XIV. Ligna putrida plus \ominus lis fixi dant, quàm cineres, ex lignis aridis combustis.
- XV. Salis vesci cubicæ figuræ ac moleculæ, particulæ \odot sæ verò sunt hexagonæ, aut conicæ. Cancrorum oculi injecti faciunt obtusa horum spicula. Ex instituto de his *Robert. HOOCK & LEEWENHOEK*.
- XVI. Comuni \ominus le saturata aqua, determinatam adhuc \odot i quantitatem, certam recipit vitrioli, & portionem debitam \odot nis: quod curiosum observatu est.
- XVII. Sal candidum, albedine ac luce plenum.
- XVIII. Flante Boreâ sal petraë crescit latius, quàm Zephyro, aut Euro.
- XIX. Herbâ & flos memorabilis *ros Solis* sal ex aëre (salivam coeli, siderum sudorem eleganter *Plinius* appellat X. Hist. Nat. 12.) attrahit, sub forma guttæ aquæ, Augusto mense, & Canicularibus diebus.
- XX. Herbæ *Kali* loco maximè *Anthyllis* cum *Seto* minori prodest, ad combustionem, salis famulam.
- XXI. Nil congelat, & nil coagulatur, absque \ominus le: Sal gemmis omnibus duritiem conciliat nec non metallis.
- XXII. Novi salis indies regeneratio falsuginis magnetem arguit in terris elixiviatis.
- XXIII. In q o sal & falsugo est; sed non reciprocè.
- XXIV. Sal meritò vocari potest aqua, manûs quæ non madefaciat.
- XXV. Si \ominus li q ri affundas \ominus q , \odot verum inde oritur.
- XXVI.

- XXVI. Salia fixa, seu Alkalia, solius artis opera; ut urinosa maximè, producta sunt Naturæ.
- XXVII. Salia fixa & Alcalisata, per se etiam, in cryсталlos cogi possunt.
- XXIIX. Nescio, quid cogitaverit *Agricola* Tract. de *H.* ad *Johannem Poppum* notis? quòd metallorum omnium hostem juratissimum vocavit Nitrum.
- XXIX. Idem nihilominus ex vero docuit, Cryсталlos \ominus is dulces præparandi, methodum, sed circumspectè observandam; Tract. de \ominus le p. 774. ad *Popp.*
- XXX. Sal fermentescere, aut computrescere in se non potest.
- XXXI. \ominus * aperto vitro colloca in mensâ unâ, in remotiore altera accende Δ , & admittè auram, invisibiles visibiles reddentur spiritus, & magnetismo rapiente, etiam per distans spaciū.
- XXXII. Salis beneficio, ad longum tempus, à corruptione liberum servari potest animal demortuum.
- XXXIII. Solâ aqvâ falsâ plumbum verti posse in Φ m currentem, asserit *Bécherus* p. 81. supplem. Phys. subt. mihi hætenus res non succedit in *H.* limatura, & *Hallensi* muria.
- XXXIV. Idem ex lumbricis tradidit, se Nitrum præparasse; sicuti ex parietibus & muris sal petraë parturit Natura.
- XXXV. Sp. vini & \ominus \sim . quemadmodum & \ominus \sim . sine aperto igne obtineri potest.
- XXXVI. \ominus vescum sapore gratiori, & ad sanitatem propiorè potest imbui.
- XXXVII. Incensus pulvis pyrius superiora petit, propter \ominus tri conicam in minimis figuram.
- XXXIIX. Pro solutionis & secretionis variatione, aliam aliamque larvam præ se ferunt salia.
- XXXIX. \ominus lia volatilia blandissimâ & symbolicâ solutione solve-re sine igne ac colligere, jucundum artificium. Optime descripsit *Etmüll.* l. I. c. 7. Chim. Rat. 3.
- XL. Idem verè docuit processum, in Muséo quovis \ominus \sim , etiam *ci, conficiendi, ad fornacem positâ arenâ.
- XLI. Quò plus boli, vel argillæ \ominus ro additur, hoc copiosior illius obtinetur spiritus. Sed ne quid nimis!

XLII. Præcipitationes liqvidorum corporum salinæ superant metallicas. *Glauberus* hîc meretur fidem oppidò, 2. part. p. 436. Germaniæ salut. Via duplex, humida & sicca est, Si Aqv. f. in qva solut. ☽ est, injiciantur ♀ laminæ, aggredietur, uti constat, Aqv. f. ♀ em, dimittet ☽. postea in forma pultis albicantis. Huic si bacillum terreum immittas, relinquet Aqua f. rursum ♀ em, aggredietur ☿. si adjicias eidem Zinckum, aliudve simile metallum, iterum relinquit ☿. pulveris in forma. Sic acet. ♀ ☿ ii, lixiv. è cineribus fagi vitr. ol. ☿ ri, corallia & uniones, acida, lac caseosum; primoq; nominandus ♀ præcipitare ☉ solet.

XLIII. Lepidum Phænomenon est, ☉ Apsynthii conficere posse, sine Δ. atqve Sole, vini generosioris ope, in profunda cella. Qvi desiderat processum, consulat W. methodum de Sale, p. 121.

XLIV. Mercurio injiciuntur, à saliva hominis jejuni, compedes.

XLV. Saliva hæc fermenti stomachalis massam imbuat ac inficit.

XLVI. Salivæ beneficio (si herba quædam conteratur manè dentibus, & propinetur cani bolus carneus, aut salivatus panis) sympatheticè attrahitur invitum animal. Hûc *digitum Helmontius* intendit, de Magn. vuln. curat. n. 24. Cervi æstro perciti, salacioris hirci, aliaqve hîc non memoro miranda. Amor scilicet & odium ex salium diversitate, inter multa animalia, consurgit.

XLVII. Salia quædã concentrata per combustionem, parte decimâ plus tribuunt fœcundi vineis & agris, quàm communis rusticorum fimus.

XLVIII. Quibus nimio plus humet lingua, vel arefcit, sapes minus commodè dijudicant; saliva enim debita, ministra est saporis.

XLIX. Exspuens salivam se ab omni dicitur contagio præservare posse, D. *Dobreszenskio*; faciant periculum, qvi curant ægros.

L. Spiritus corporei sunt salia in aëre resoluta. Indicta sunt, quæ Naturæ rerum & Experientiæ respondent minus.

SOLI DEO GLORIA!